

L. Ricci



PIEDIGROTTA

COMMEDIA PER MUSICA

IN QUATTRO ATTI

POESIA

DI MARCO D'ARIENZO

MUSICA DEL MAESTRO

LUIGI RICCI



NAPOLI

1860.

ATTORI

COMEDIA PER MUSICA

IN QUATTRO ATTI

POLIFEMO. F. ROSA

DEUCALIONE,
ACHILLE. DE MARCO E V. V. V.

RENZO. BENICIA DEL MARSTADT

MANICOTTO.

CARDILLO. LUIGI RICCI

RITA.

MARTA.

STELLA.

LENA.

CREZIA.

UN ARTIGIANO.

UNA DONNA DEL POPOLO.

UN OSTE.

Coro di artigiani , Artigianelle , Caffettieri , Venditori di liquori , e di popolo di città e di campagna.

ATTO PRIMO.

SCENA PRIMA.

Piazza della Carità. A destra, ai due capi della contrada, avanti, vico S. Liborio, e in fondo vico della Carità, presso cui una bottega di caffè. A sinistra, dopo gli archi del mercato, vico Corsea, presso cui è un portoncino apritoio con sopra un balconcino praticabile. In fondo strada Toledo — È presso l'alba.

Voci di dentro; poi Venditori ambulanti di caffè e di acquavite.

Voci Portamènce, ca sto gollo
Da gran tiempo l'arma m'abbence;
A la festa, sì, portamènce,
Portamènce, marito mio!

Coro I. da un lato. Cafettiere.

Coro II. da un altro lato. Acquavitaro.

I. Caudo, caudo.

II. È fredda, e coco.

I. Addoruso, nietto e chiaro

E bollente è sto caffè.

II. Sammucchella forte e doce

Comme vuò, ll'avraje da me.

I. A primma matina

Nce vo no tocchetto;

Si no dà lo lietto

Te suse a ttempesta,

E comme a fra pesta

Lo juorno aje da sta.

Lo cafettiere!

II. A primma matina

Nce vo l'acquavita;

Si no ndebolita

La capo te vatte;

E tenga che sbatte

Lo juorno sarrà.

Aquavitaro!

(vanno per diverse vie)

SCENA II.

Deucalione solo a passo lento dal vico S. Liborio.

Deu. Quanno la capo rociola ,
 Che vuò , che vuoje dormì !
 Arde lo lietto , spine
 Se fanno le ccoscine ,
 Sbruffe comm' a no pazzo ,
 Te ncresce de sta sulo ,
 Fuoco è lo matarazzo ,
 Montagna è lo lenzulo ,
 Te siente mancà ll' aria ,
 E pàrte de morì....

Quanno la capo rociola ,
 Che vuò , che vuoje dormì ! —

Neh , ma pecchè se rociola ?

Neh , chi la votta , chi ?

L' ammore , e la paura

Nfettano cchiù a la scura :

Chillo la capo stregna ,

Qua limmo che se spremma ;

Chella a sudà la mpegna ,

Ntanto che tremma tremma :

E sia pe ll' uno , o ll' auto ,

Te siente nzallani...

Quanno la capo rociola ,

Che vuò , che vuoje dormì ! (*via*).

SCENA III.

Achille e Renzo con suonatori di chitarre e di flauti, che vanno a suonare ed a cantare sotto il balconcino presso il vico della Corsea.

Ach. A la fenesta affaccete ,
 Palomma de sto core ;
 Viene , ca chiamma ammore ,
 Ed aspettà no pò.

Ren. Si te sentisse pognere
 Comme mme pogne mpietto ,
 No quarto d' ora a llietto
 Non ce starrisse , no.

Ach. Ll' uocchie , simbè s' appanneno ,
 Scoardarse a te non ponno ;

Sempe mme viene nzuonno ,
Sempe mme faje sperì.

Ren. Ntra batticore e smanie
Passa lo juorno mio ;
Nè a llato a te pozz' io
Sti spaseme fenì.

Ach. e Ren. Ah ! suse , viene , e projeme
Na prova de lo bene ;
Levame da ste ppene ,
Dimmè na vota sì.

(*si apre il balconcino, e fansi vedere Stella e Lena*)

SCENA IV.

Stella , Lena e i suddetti.

Stel. e Len. Ps !

Ach. So lloro ?

Ren. Mo mo calano.

Stel. (*a bassa voce*) Stateve zitto ; eccoce ccà.

Ach. (*si avvicina al portoncino*). Stella !

Ren. Lena !

Len. (*sotto l'uscio*) Zi ! scompitela.

Stel. So po frate mo scetà.

Ach. *licenzia i Suonatori con qualche moneta e*
traendo Stella dall'uscio. Viene , siente...

Ren. a Len. Siente ; accostate...

Stel. Non convene...

Len. Statte sa...

Ach. e Ren. Na parola !..

Stel. e Len. Mè , spicciateve...

Ach. e Ren. Tu de me non aje pietà.

Stel. e Len. (*ad Ach. e Ren.*)

Chelle che mme vuoje dicere

Lo ddico a te pur io :

Sacce , carillo mio ,

Che tu mme faje morì !

Ma pecchè nuje potessemò

Asci da tanto fuoco ,

Aje d' aspettà no poco ,

Co mmico aje da soffrì.

Ach. e Ren. (*a Stel. e Len.*)

Che vuò aspettà ! Le smanie

So fatte troppo assaje !
 St' ora non sona maje
 Che tu la mia non sì.
 Cient' anne a mme mme pareno
 Che no mme cade mbraccia...
 E pe sta bella faccia
 Fenesse de patì !

SCENA V.

Manicotto e i suddetti.

Man. (solo in calzoni dal balconcino).

Lle vvì , mmalora !

Stel. e Len. (con agitazione). Uh fratemo !

Ach. e Ren. Eh ! no ve spaventate..

Stel. e Len. Addò fuimmo..

Man. (a basso) Accidere

Le vvoglio..

Stel. e Len. (gridando) Ajuto !

Ach. e Ren. Aspè !..

Man. De jì a la festa nzoletto
 Ve site concertate !

Mo mo v' agghiusto..

Ach. e Ren. (minacciando) E provate..

Stel. e Len. Ajuto !

SCENA VI.

Popolani d' ambo i sessi e i suddetti.

Coro Che cos' è ?

*(Alcuni uomini trattengono Manicotto ; altri
 Achille e Renzo; e le donne Stella e Lena).*

Man. Lassateme... si manca ,

A lluongò po tricà...

Lassateme.. na chianca

Ccà mmiezo io voglio fa.

Ach. Tu che nne vuò ? che spièrè ?

Mpedì la volontà !

Miettete a lo ddovere ;

Ntorchìa no stammo ccà.

Stel. e Len. Tu che bonora vuoje ?

Che serve sto strellà ?

Penza a li fatte tuoje ,

Nè ffarce lo papà.

Ren. No lo tenite... Viene ;
 Stongo a servirte io ccà :
 Sacc' io zzo che convene
 Pe farte accojetà.

Coro Sempe de notte e ghiurno
 State a strepetejà...
 Mettitevenne scuorno !
 Chesto no pò passà.
 Va , fenite lo rummore :
 Jatevenne nsanta pace.

Man. O ve piace , o no ve piace ,
 Chist' ammore ha da cessà.

Stel. Len. Ach. e Ren.
 Vuoje sta frisco ! Chisto ammore
 Sempe sempe durarrà.

Stel. e Len. (ai popolani).
 Vuje lo ntennite ?... vuje lo sentite ?
 Addò s' è vista cchiù ccanetà ?
 Fa strille e chiasso , fa lo smargiasso ;
 E vvo le ssore tiranniggia !
 Ma , guè , la sgarre ; sta furia è pperza ;
 Non pozzo perdere la libertà :
 Tu , si si pazzo , vattenne a Averza :
 Io zzo che smaceno , lo vvoglio fa.

Ach. e Ren. Ca faje rommore , ca tu te mpierre ,
 Niente , a mme cridelo , ne puoje caccia :
 Mmiezio a sti luotene simmo de fierre ,
 Nè chist' ammore se po scrastà.

Man. Ah co ste mmane , mmiezio a sto ntrico ,
 Chelle ccajotole voglio spennà...
 E a vuje ve dico , che nzi a dimane
 Ncanna la festa v' annozzarrà.

Coro Via mo , fenimmola ; se parla dinto ;
 Che bene a dicere tant' alluccà !
 Accojetateve ; ca po chi ha vvinto ,
 Nzino a dimane se vedarrà.

(*Gli uomini spingono Achillo e Renzo dentro
 il vico S. Liborio: le donne fan ritirare Stella e
 Lene in casa: Manicotto è spinto dentro il caffè.*)

SCENA VII.

Deucalion, poi Manicotto.

Deuc. (venendo dal vico della Carità). Nè Polifemo è sciso da lo Vommero. Se nne jette jersera senza penzare che stammatina avinimo da fare l'appuntamento co Manicotto e le ssore pe ghire sta notte a la festa...

Man. (uscendo dal caffè borbottando). Sta commedia la faccio fenire io...

Deu. (vedendo Man. e avvicinandosi a lui) Che!... l'aje fatta pe ttiempo stammatina?

Man. Don Decagliò, lassateme ire... So stato ncontrasto co chelle llengutele de le ssore meje. Io songo ommo, e aggio da commannare.

Deu. Lloco te voglio! Aje da vedere se le ffemmene obbedesceno.

Man. Hanno da obbedire a fforza.

Deu. A fforza! Se vede ca si picciotto. La femmena, si è peccerella, ngrogna, ngotta, ammosa; e pure non lassa nè le pupate, nè le compagnele: e chelle che so? so cose de criature. Considera mo quanno la femmena è ffemmena donna, e nvece de pupate, va trovanono mammuoccele! tu lle puoje spaccare la capo, ca ncopp' a chillo tasto se rebelleno, e te fanno na guerra a morte.

Man. No, non è chisto; ca pe mammuoccele le ssore meje non hanno abbesugno. Volevano scanzare de venire a la festa sta notte commico e co vuje.

Deu. Oh! oh!.. Chisto po è no tasto che sonanno rencresce a me pure... Basta; mo vene Polifemo e quacche comprimentuccio non mancarrà pe fa sciuliare lo carro.

Man. Non è pe li ncommode vuoste: ma vuje sapite l'amecizia granne che ve professò..

Deu. Già, già... sì lo sanzate de li negozie nuoste a Nnapole.

Man. È pe stare ncompagnia; e po ncompagni vosta, che mme dà a sperare co lo ssopierchio pecchè, mo nce vo, site chelle rrobbe che ssite, e ognuno lo vvede da la faccia.

Deu. Nuje te vorriamo vedè saglire tanto ncoppa da fa lassare a na sora toja de fa la cagnacavalle, e a n' autà la fruttajola.

Man. Mme lo smaceno: e sulo chelle non llo cca-pesceno!

Deu. Mme dispiace mperò che tu non si ommo.

Man. Comme non song' ommo?

Deu. Voglio dirè ommo co no metallo forte.

Man. A servire pe battaglia de campana!

Deu. Tu qua battaglia! Hai piccoli tuoni tu, e le ssore toje.

Man. E ch' avissevo lassato vuje de fare lo granista, e don Polifemio lo mercante vaccinario, e ve fussevo mise a fa contratte de vuce.

Deu. Io no; ma Polifemo, ntra la speculazione de vacche, de vuoje, e de piccore sta fonnanno n' agenzia teatrale.

Man. E che ne' entrano li tuone piccole e granne?

Deu. Ca li maste de museca oggi, mmece de voce, pretenneno cannune; e si non allucche ntriato comme a no cane arraggiato, non fuje pecunia.

Man. E ch' avimmo da fare li cantante nuje?

Deu. Volesse lo cielo! Accossì te potarrisse sose-re tu e le zzetelle de le ssore toje; ca sola ches' arte oggi renne assaje.

Man. La sciorta nosta è la conoscenza de lorzignure.

Deu. Tu si no vero frato... Va jammocenne din-to, ca ccà fa frescolillo. (*avviandosi*).

Man. E don Polifemio?

Deu. Mo mo lo vedarraje venire. (*entra*).

Man. Mme pare mill'anne che vene pe vedere che pporta. Chiste sì che so la scumma de li galantuommene, autro che cchelle doje sarachelle de lo masto de chitarra e de lo sanzaro de frutte!

SCENA VIII.

Polifemo solo dal vico della Carità.

Pol. Ognè marito, si vo na scola

Che lo consola, che vvenga a mme.

Io saccio bène tutte le ppene

Che na mogliera te fa patè.

Essa sia pure na scumma d' oro ,
 Sia na nanassa d' ogni bontà :
 Lle sì marito ? Fusse no toro ,
 Na vena impietto te fa crepà .
 Saje pecchè è nzista ? pecchè te nfetta ?
 E sempe ncasa fa no totò ?
 Ca commanquarete vole a bacchetta ,
 E lo dominio sol' essa vò .
 E sissignore ; co la mogliera
 Nce vo manera , nce vo virtù ,
 Nce vo pacienza , nce vo prudenza ,
 E nce vo pure zzo che saje tu .
 Ma non avasta ; disse gnovavo :
 La gonnelluccia t' aje da mettì ;
 Nzi ch' a mogliereta non te faje schiavo ;
 Non è possibbele de la soffrì .
 E allora sientè — Un omo ho io ,
 Ch' è tanto bono , ch' è un bel cucù :
 Mi fa passare ogni golio ,
 Nè altro sa dire : moglie , fa tu .
 Mentre io la notte ronfo in riposo ,
 Il ninno in fasce voca per me :
 Ah sì è la perla d' un vero sposo :
 A sì è la crema de l' erba tè .
 È un cacciottello , è un caro agnello ,
 È un palommello che fa pi pi :
 È bono bono , è cheto cheto ,
 Sempre discreto , sempre così —
 E co ste cchiacchiere e co ste smorfie ,
 L' ommo , ma il mascolo ! addò sta cchiù ?
 Tutto il suo munno s' è trasformato
 In uno stato di schiavitù ! .
 — Ora se chesto sotto nce cova ,
 Nce sta la strada de se sarvà ? —
 — Mmano volite romperle l' ova ?
 Via mo mparateve comme se fa —
 Io non ricorro maje a le mmazze :
 Questa è una fiera brutalità .
 Nè allucche e strille faccio de pazze :
 Questa è una bassa plebeità .

Mprimmese mprimmese ; si ascì vò essa ;

Io mme stennecchio tanno a dormì :

E si vò sulo raprì la sguessa ,

Esch' io , e la nchiudo ncasa , e bonai.

Si vò na vesta , so no babbeo

Che non capesco chello che vvo :

Si vò na scuffia , faccio zimèo

Senza maje dirle na vota no.

Vo fa na festa ? na tavolella ?

— Moglie mia cara , non c' è l' argià. —

— Jammo a ballare na tarantella —

— Moglie mia cara , me faje stracquà. —

E si co chesto non ce riesce ,

Si ngotta e sbruffa , si vò strellà ;

Tanno de cammèra mme spartuesco

E tu la vide lesto ammuccià.

Chesto è lo debole , ch' è cchiù sensibele ,

Che la fa chiagnere , strellanno ajemmè...

Riepete , ragnole , chiacchiere e luotene

Accossì cessano , sentite a mme.

Onne ntennitela , nzorati miseri ,

Chesta è la regola pe la ngarrà ,

Se non volete per una pettola

Intera perdere la libertà.

E va ca nne potete ascire da chesto. *Ecce exemplum.*

Le mmogliere noste stanno a Cajazzo , e nuje mmece de Foggia , addò ll'avimmo ditto che ghievamo, pe starce nzino a novembre pe certe negozie de vacche e grano , stammo da no mese e cchiù sciascianne a Nnapole; e sta notte jammo a vvedere la festa nzieme co chillo caro amico de Manicotto , e co la salza stuzzicante de le ssorelle... Deucalione starrà dormenno ancora a la locanna ; ma io mo mme ne traso dal caro amico , e llà l'aspetto. (*bussa al portoncino*).

SCENA IX.

*Deucalione dal balconcino e il suddetto ;
quindi Manicotto.*

Deu. (sporgendo il capo). Chi è ?

Pol. Oh !.. guè !.. tu lloco staje ! sì bastantamente matinante !

Deu. Se l' mo aveva da starme a stonare pur io co l' amico de lo Vommero p' accocchia la compagnia de li cantante pe lo triato de provincia, e pe pescà chella primma donna coi cartelli.

Pol. Apre...

Deu. Tu aje perzo li vuoje, e mo non saccio che vaje trovanono.

Pol. E quann' apre?

Deu. È meglio che te nne vaje a lo mandrone; oggi è viernadì.

Pol. Vattè, ca io non negozio più in piccolo; gli affari miei si sono estesi tra Parigi, Londra e Nnapole.

Deu. E va scrive a la posta.

Pol. E quanno apre? ca io tengo na bona cosa da cacciare.

(*Voce di Manicotto di dentro*). Don Decagliò, mena mo, non lo lassate patì; no mporta ch' è venuto no poco cchiù tardolillo.

Pol. Manicò, viene tu; ca chisto mme vo fa pigliare na nfreddatura, mentre io sto bastante- mente nfocato.

Deu. (*entrando*) Te lo ffaccio pe pura misericordia.

Pol. Ave ragione; ll' aggio fatto sta sulo sta notte. ma isso nei suoi negozi non sa slanciarsi come ho bisogno di slanciarmi io. Io non sono un negoziante puro e semplice; ma tengo i miei studii, i miei viaggi, e il mio genio.

Man. (*sotto l'uscio*) Don Polifè, favorite.

Pol. Oh caro, caro amico. (*entra nel portoncino*)

SCENA X.

Renzo ed Achille.

Ren. Ll' aje viste?

Ach. Tanto bello!

Ren. Chillì duje cafune, capisce?

Ach. Capisco.

Ren. Manicotto è vintotto, e non ce pò padiare, pechè non simme uosse che nce facimmo rosecare.

Ach. E naje ce ne stamme accossì?

Ren. E che nec vo tanto p' allummarese na pippa de chelle sciassetelle?

Ach. Oh ! quann'è chesto , fratiè , mme cilleche addò me prode. *Ren.* Uh ! sento rommore.

Ach. So llo ro che ghiesceno (*il portoncino si schiude*)

Ren. Viene ccà... (*traendolo verso il caffè*)

Ach. Io voglio...

Ren. E mo, mo... (*siedono nel Caffè*).

SCENA XI.

Deucalione , Polifemo e i suddetti.

Pol. (*fermandosi con le spalle sotto il portoncino*) Accossì restammo , Manicò. Sta sera a tre ore ccà, per correre co le ssore a la festa.

Ren. (*ad Ach.*) (Siente...)

Ach. (A la festa co cchelle !)

Deu. (*uscendo , e chiudendo il portoncino*) Polifè, io credo che le zzetelle non venarranno.

Pol. Nc' è l' autorità fraterna.

Deu. Tu pe cchesto ll'aje projuto lesto li seje ducate che t'ha cercato mpriesteto.

Pol. E comme volive fare? Nelle grandi intraprese bancarie nuje simmo superiori alle piccole spesucole. E po; lu munno è no cerca cerca; la famma e la sete fanno andare gli animi in bolli-bolli. Si hanno da appilare le bocche talvolta pe prudenza. Chi non getta il danaro, come lo gettiamo noi, non spera di avere mai un piacere.

Deu. Va jammoncenne da chillo che nc'ha da dare la sommetella pe lo grano vennuto.

Pol. E chillo sta a lo Chiatamone (*a bassissima voce*) Che volimmo passare pe Santalucia addò sta zi Crezia ?

Deu. La zia de le mmogliere noste ? Oh ! nce ne jammo pe Chiaja. E lo vero ca zi Crezia tene nchella via tanta pariente...

Pol. Ma nuje non canoscimmo a llo ro, e llo ro non canosceno a nnuje ; si non fosse pe zi Crezia ch' è venuta otto o diece vote a Cajazzo, nuje non canosciarriamo manco a essa.

Deu. E dice buono. Jammoncenne, e po nce volimmo allarmare pe sta sera

Piedigr.

Pol. Uh che sfizio nce vorrà essere! Io già mme sento un convellimento piacevole (*muovono verso il vicio della Carità; ma Achille e Renzo li chiamano e li trattengono.*)

Ach. Neh! miei signò...

Pol. (*a Deu.*) (Nce chiammano!)

Deu. (*a Pol.*) (Che vonno?)

Ren. Mieje signò!

Pol. e Deu. Ch'è?

Ach. e Ren. Na parola.

Pol. (*ad Ach. accostandoci*) Spicciate.

Deu. (*a Ren.*) Jammo de pressa...

Ach. a Ren. E mo!

Pol. e Deu. Su, su; ca tiempo a perdere
Non tengo io troppo ccà.

Ach. e Ren. Chià, chià, ca pe ddoje chiacchiere
Nc' è tiempo nquantità.

Ach. (*percuote la spalla di Pol. e scrollando il capo*)
Facimmo che v' avissevo.

Dinto a na testolella

Cresciuta co le llagreme

Na rosa fresca e bella:

Nisciuno ll' ha toccata

Che schitto la rosata;

Sulo pe chill'addore

Te siente apri lo core...

Mbè; si na mano strania

Vene, la coglie, e fuje,

Diciteme mo vuje

Si la ragione nc' è...

E da menà li paccare

Uno se pò tenè?

Ren. (*battendo su la spalla di Deu. e scrollando alcun poco il capo*)

Facimmo che crescessevo

Pe vvuje na pollanchella,

E mentre sta mpennannose

Se fa porposa e bella:

S' allegra già lo core

Penzanno a lo sapore:

Senza che la toccate
 Le ddeta v' alleccate...
 Mbè ; si na mano strania
 Vene , la spenna , e fuje
 Diciteme mo vuje
 Si la ragione nc'è...

E de jocà le pponie

Uno se pò tenè ?

Pol. (ad Ach.) Guè, guè, ched'è sta storia ?

Da me che nne pretienne ?

Si chesta è na parabola ,

Tu sulo te la ntienne.

A dicerte sacc' io ,

Chello ch' è mio , è mio :

Nè nce puoje mette vocca :

Guaje a chi mme lo ttocca !

Mperò , sole succedere

Che chi è cchiù ardito ntterra ,

Lo mio , lo ttujo s'afferra ,

E tu t'aje da tacè ..

Si no co mmazze e pivoze

Lo riesto vò da te.

Deu. (a Ren.) Oh ! oh ! ca tu faje male ;

Chi vuoje che te consiglia ?

Pe dritto naturale

Sarria chi piglia piglia.

Ma nc' è la legge ; ed io

Saccio guardà lo mmio ;

E mmaro a chi lo ttocca !

Lo sbrano co sta vocca.

Mperò ; sole succedere

Che chi è cchiù forte o furbo

Te jetta no disturbo ,

E tutto tira a sè ;

E si lle faje no ttecchete ,

So guaje, ma guaje pe tte !

Ach. (a Pol. piano)

Ddonca non c'è cchiù rebbrica.

Pol. (ad Ach.) De che ?

Ren. (a Deu. piano) La spiega è fatta.

Deu. (*a Ren.*) Comme ?

Ach. (*indicando il portoncino*) Da llà...

Ren. (*piano*) Nn tennitela...

Ach. e Ren. (*forte*) E fforza che se sfratta.

Deu. (*come colui a cui brilla il vero*)

Ah ! mo capisco !

Pol. Abu cancaro !

La quaglia vi addó vola !

Deu. e Pol. (*forte*) Chella è na pretennenzia
Che nc' appartene sola.

Ach. (*spingendolo*) Va llà !

Ren. (*facendo lo stesso*) Va llà !

Deu. (*a Ren.*) Che cride ?..

Pol. (*ad Ach.*) Statte cojeto , sa !

Ach. a Ren. (*ridendo*) Guè , ride...

Ren. ad Ach. (*ridendo*) Ride...

Ach. e Ren. (*a Pol. e Deu. ridendo*) E rride...

Deu. e Pol. (*ridendo*) Redimmo...

Ach. Ren. Deu. e Pol. (*spingendosi a vicenda e ridendo*)
Va , sciollà !

Pol. e Deu. Chi tene polvere , chillo cchiù spara;

Ncopp'a le fhemmene non c'è l'assisa: *fra loro*

Smerza le mmaneche de la cammisa;

Chi vò vedersela , chelle so llà.

Si nuje simmo uommene, trasimmo a gara;

La porta è libera pe chi vo entrà.

Ach. e Ren. Uh ! si na zingara l'avesse ditto,

Chi mo sta sboria s'avria creduta! *fra loro.*

Meglio farriano de starse zitto!

Chi co sti ruospole se vo sporcà!

Sulo na scoppola, una smestuta,

Tre miglia nn'aria li ffa volà.

Ach. a Pol. (*con minaccia*) Io t'avverto...

Pol. ad Ach. (*con minaccia*) Ed io t'avviso...

Ren. a Deu. (*con minaccia*) Che llà nnanze...

Deu. a Ren. Che llà sotto...

Pol. e Deu. Io te faccio no straviso!..

Ach. e Ren. Io te straccio lo sciabò!

E sta notte a Piedegrotta

Maro a te , si vaje co cchelle!..

Pol. e Den. Chelle llà so ddoje nennelle
Che a' miei vezzi il ciel serbò.

Ach. e Ren. Nzomma , guerra !

Pol. e Deu. Guerra a morte !

a 4. Mo vedimmo chi è cchiù forte.

Ach. e Ren. (*tirando Pol. e Deu. per lati opposti*)

Siente a me ; si campà vuoje

Sempe sano a sto paese :

Penza mo a li case tueje ,

Ca pe te non so ste mpresc.

Si mme nfurio , si mme nfoco

Io te manno sottoterra ;

Si fenì non faje sto juoco ,

Ccà vedraje no serra-serra ;

E sto pizzo , e sta setiglia

Nne farraggio na moniglia !

Ommo avisato ,

Miezo è sarvato :

Sì anticolillo :

Fuje mo da ccà ,

Si lo palillo

No buoje provà !

Pol. e Deu. (*tirando Ach. e Ren. per lati opposti*)

Siente ccà ; non fa lo guappo ,

Ca nce pierde la bravura :

N' auto ppoco s'io mo scappo ,

Te sorrieje pe la paura !

Si mme scarfo , si mme mperro.

Io te smerzo dintò fora :

So cchiù ttuosto de no cierro ;

Voca fora , voca fora ;

E si parle , de sti ricce

Io n' allummo truone e micce ?

Ommo che n'enne ,

Mette le ppenne :

Tu si piccione ,

Vattenne , va ,

Si lo bastone

No buò assaggià.

Fine dell'atto primo.

ATTO SECONDO

SCENA PRIMA.

Dietro bottega di un fondaco d' acquavite : vi si vedono scansie per le pareti con bocce e boccioni, inbuti da lambicchi, sotto-botti, botticelli, ec. A destra si aprono due usci : a manca una scaletta che mena alle stanze superiori : in fondo è una larga finestra che dà al mare, da cui in lontananza vedesi il Vesuvio.

Rita e Marta da uno degli usci a destra.

Rit. Mena mo, fatte core !

Simmo arrevate.

Mar.

Ma non c'è la zia.

Rit.

Nè aje ntiso la guarzone

Ca mo mo venarrà ?

Mar.

Siente : lontano

Lloro stanno e lo vero ;

Ma fitto io tengo ncapo no penziero.

Rit.

E cride?..

Mar.

E credo cèrto

Che li marite nuoste

Ponno appurà la cosa...

Rit.

Uh Marta, Ma' ! Si proprio curiosa !

Pare na criatura...

Simmo venute ccà ; n' avè a ppaura.

Da Napole nzi a Foggia

Nce so novanta miglia !

Mar.

Aje ragione... a la casa

Sempe sempe nce lasseno !

Nuje staimmo a mucetì ; lloro se spassei

Rit.

Onne, ntanto che lloro

Stanno a negozià fore paese,

Assaje buono facimmo

Si no poco purzì nce devertimmo.

Tu non saje che li marite

Tutte so de na manera,

E la povera mogliera

Sempe a ppizzo fanno sta !

E si parle, li ssentite :

— Eh ciantella, sta al tuo loco !

E pe llo ro è sempe poco
Quanto faje pe li spassà.

Mar. Ma llo ro si so barbare ,
Nu je simmo d' auto core...

Rit. Perciò , perciò nce nganneno
Quann' ardeno d' amore.

Mar. Tanno nu je simmo zucchero ,
Ntretelle , fiche e passe.

Rit. Po doppo che nce sposeno ,
Che d' è?... simmo vajassee !

Mar. Gnorsì ; simme regine ,
Pria de ncappà la vorpa.

Rit. E po simme mappine
Doppo ch' aje ditto : sì...

Mar. e Rit. So llo ro causa e corpa ;
E fanno po lli lli !

Rit. Io dico a vvuje , mogliere ,
Che ccà a sentirme state ,
A chi ve fa messere
Nisciuna retta date.

Sarvanno lo decoro ,
Non ce so cchiù paure :

Si nce ne fanno llo ro ,
Nce ne facimmo pure.

L' uommene vanno a spasso ?
— A revederce craje —

Nu je senza fa fracasso ,
Spassàmmoce purzì..

Comme t' è fatte , faje ;
Lo munno va accossì.

ar. Già , già : Nu je simmo l' idole
Primma di dire : sì.

Po doppo , comm' a brenzole
Nce lasseno , e bonnì !

Rit. So llo ro che de collera
Nce vonno fa morì...

So llo ro che nce sbiano
E po fanno lli lli !

Mar. (avvicinandosi alla finestra in fondo). Uh Rita.
Ri' , che bella vista che tene la casa de zi Crezia!

Rit. Te pare! Stammo a Santalucia, elo mare nc'è sotto.

Mar. Che ària strafina! (*sospirando*).

Rit. Sentarraje come se farrà lario lario lo stommaco a dispietto de li marite nuoste.

Mar. Zitto, ca me pare che vene lo guarzone. Non òe facimmo appurare li fatte nuoste.

Rit. E chillo nce canosce.

Mar. Canosce le ffacce, ma non sape pecchè simmo venute ccà. E po, canosce sulo a te, che veniste a Nnapole na vota prima de sposare; a mme no.

SCENA II.

Cardillo e le suddette.

Car. Belle fegliò, e vuoje state ancora lloco?

Mar. E addò vuoje che stessemmo?

Car. Oh bella! Zi Crezia è la primma negoziante d'acquavita, e tene no magazzino ch'è lo cchiù spettacoloso de Napole. Potete andare agli appartamenti superiori. *Rit.* Mo mo nce ne jammo.

Mar. Ma essa addò è ghiuta?

Car. E no lo smacenate? Accommenza a fa frescolillo. Chi non se po scarfare d'auta manera, se scarfa co l'acquavita. A zi Crezia s'è sconcecato quacche lammicco; oun'è ghiuta a San Giovanne a Teduccio ad accattare spireto e storte.

Mar. E pe trovare storte aveva da ire tanto lontano? A Santalucia nce ne starranno ca nce ne starranno guaguine!...

Rit. Ah! ah! Tu che ntienne pe storte?

Car. La sorella avrà ntennuto che se parlasse de le scoffatelle. *Mar.* E non so ccheste?

Car. Se, proprio cheste lammicciano l'acquavita!.. La storta è nn vaso...

Mar. Ahu, che dice mo, benemio!

Rit. Oh! è come fosse na botteglia co la parte de vascio grossa grossa, e co no cuollo luongo e stuorto.

Car. Dinto se nce mette lo spireto; se ll'appicce da sotto na lamparella; e accossì piglia a colà, e lo spireto se fa de cientosissanta punte.

Rit. Oh! oh! nzino a cinquanta colature non s'ariva cchiù nnanze.

Car. Ma diciteme na cosa , vuje site venute pe vvedere la festa ?

Mar. Eh...non sapimmo...Simmo venuto p'affare...

Rit. Po essere , che nce ne jammo mo mo...

Car. Vuje che ddecite? Napole sta a rommore. Chi va , chi véne ; scenneno e saglieno da le montagne , da li vallune ... Le mmogliere ngottano li marite. Le zzetelle hanno fatto l'appuntamiente lloro .. Vuje ll' avite vista maje sta festa ?

Rit. e Mar. (*con un sospiro*). Maje !

Car. E ve ne volite ire? Avarrissevo da vedere che nc' è llà sta notte / Tavole , tavolelle , suone , abballe ; fegliole d' ogni sciorta , e d' ogni genio ; staje proprio mmiezo a l' abbonanzia , e te se fa tanto no core. E po vuje capite che llà s' ammenta la canzona nova ?

Mar. La canzona che da Napole vene pure a li paise ogn' anno ?

Car. Già...Ma vuje a ogni mmuodo avite da venire co zi Crezia llà sta notte, e nc' avimmo da spassare.

Rit. Sarria meza meza tentata...

Car. Gnernò , v' avite da fare tentà tutta... Va jatevenne dinto ; spogliateve co li commode vuoste , e aspettate la zia.

Mar. Basta... po vedimmo. Portace chelle mappate. (*indicando le due valige che han messo su una sedia nell' entràre*).

Car. Sulo chelle ddoje!... Ciento purzi.

Rit. (*Aje ntiso comm' è bella la festa !*) *via*

Mar. (*Mme fa proprio piacere d' essere venuta ccà pe vederla. (seguendo Rita)*).

Car. Ste nnepote de zi Crezia so proprio bone. Tenessero n' auta sorella minore , me nce accocchiarria... e tanno pe mettermme a paro , sa che bello magazzino vorrei aprire al rispettabile pnblico, e magazzino di merito distinto. (*segue le due*)

SCENA III.

Crezia seguita da donne del popolo.

Crez. (*dall'uscio*) Vuje che ddecite ?..

Coro Gnorsi , l' appicceca !

È stata all' arba con gran rommore.

Crez. Achille e Renzo ? .. Chisto è n'errare!

Coro Gnernò ; te dico la verità.

Stea Manicotto comm'a na furia.

Renzo ed Achille pareano pazze...

Crez. Nepute mieje !

Coro. Veneano a mmazze ;

E sa c' aggrisse vedive llà !

Crez. Ah !... e pe qua causa?

Coro P' ammore.

Crez. O amore ,

Tu nelle viscere sempre tu bolli !

Tu afforzi i deboli , tu i forti ammollì ,

Tu abboffi l' animo , tu smosci il cor !

Io sol ti saccio ; nè fui mai ciuccia :

E zitelluccia qui son ancor.

Ma da scusarese so chille duje ;

Lloro son fluidi qual vin che sbotta :

Amore è piecoro , che votta votta ;

E i crapettelli vonno erbeggià.

Ognun guardandosi le piaghe sue ,

Degli altri il cancro ha da sensà.

Coro. Ohè , zi Crè , non dire niente ;

Chille tre so triste assaje ;

E n' abballo de pezziente

Neuollo a nnuje farrisce fa.

Non di niente , ca so guaje !

Statte zitto , e non parlà.

Crez. Zitto , sì ; ca non se sente

Da sta vocca ascire n' a (*parte il Coro*).

SCENA IV.

Cardillo e la suddetta.

Car. Neh ! tutto chesto è succiesso ?

Cre. E tu ?..

Car. Aggio ntiso da dinto. Zi Crè, si Manicotto non lassa stare li nepute vuoste , io , no paliceco so , ma aggio pietto , e mme fummeca no pocorillo.

Cre. Ma isso ha ncojetato le nnamorate de li nepute mieje , o chiste la nnamorata soja ?

Car. Chello che è , è. Achille e Renzo so guagliune de

vaglia ; ~~meno~~ quarche possidenza; e po , vu-
je li vvolite bene , e non hanno da sèpportare
mpaccio.

Cre. Ave ragione ca io voglio tanto bene a chelle
ssore soje ; si no , guappetiello e buono , da
gran tiempo l'avarria ammacato il cervicone.

Car. Che se penza , che vuje fussevo...

Cre. N' acquavitaruncola de cheste !

Car. Vuje avite lle gliommere , e gnopatre ve det-
te n' arucazione majateca !

Cre. Leggere e scrivere non saccio ; ma tengo la
lengua che parla ogne sorta d' idiommola.

Car. Da lo pparlare se vede... Mo nce vo , le ssore
de Manicotto so de bona pasta. Comme so ffine
zi Crè !

Cre. Io aggio fatto pure pe chelle quacche proposeto...

Car. Zi Crè , e pe mme non nne facite nisciuno?

Cre. Statte zitto tu , regnola de li guagliune !

Car. Zi Crè , a mme mm'accommenza a palpitare.

Cre. Vattenne , ca aje da pigliare primma pede.

Car. E che , primma de nzorarse , uno s' avesse
da mparà de natare.

Cre. Vattenne...

Car. Ahu ! ahu ! Zi Crè... (*con rincrescimento*).

Cre. Ched' è ?

Card. Mme ll' era scardato... *Cre.* Che ?...

Car. Dinto nce stanno le nnepote voste de Cajazzo.

Cre. Tu che dice ! le nneposcelle meje ?

Car. Diceno ca ve vonno vedere , e pose nne vonno ire.

Cre. Che ghire e ghire ! So venute , e hanno fatto
buono. Oh neposcelle meje ! (*entra a destra*).

Car. Non se ne janzanno , no. Ne voglio fa brinnese
e tarantelle !.. Lassame ire ad apparecchiare li
vestite , ca mme voglio mpupazzare comm' a no
scicco (*entra per la seconda porte a sinistra*).

SCENA V.

Stella e Lena , dalla prima porta a sinistra.

Stel. Ah ! simmo arrevate!..

Len. Tu ad ogne modo le vuoje contare tutto ?

Stel. Tutto ; si non nce se mette mmiezo essa , o Ma-
nicotto fa a nnuje no sfriso , o nuje nce lo fa-

cimmo a isso ; ca stammatina io era già mpon-
ta mpona pe nce lo fare.

Len. E dice buono. Nè a la festa volimmo ire ncom-
pagnia de chille cavolecchiune.

Ste. Te pare/nuje jammo trovanono cernie e non vavose.

Len. Quanto so brutte !

Ste. O co Achille , o co nisciuno.

Len. O co Renzo , o mme sto ncasa.

Ste. E zi Crezia nce ha da pensare.

Len. Sì ; chella nce vo bene cchiù che figlie.

Ste. Va , trasimmo...

Len. (*per salire*). La vi llà...

Ste. (*chiama a voce alta*) Zi Crè?..

Voce di Crezia di dentro. Uh ! vuje ccà !

Stel. Sentite... *Voce (c.s.)* Mo mo vengo.

Len. Mme sento tutta scommovere...

Ste. Ed io da quacche tiempo... Ma, core franco,
e verità mocca.

SCENA VI.

Crezia e le suddette.

Cre. Avite visto ? ve pare buono ? Che vvo Mani-
cotto da li nepute mieje ?

Ste. Ah ! vuje llo ssapite. *Cre.* Saccio tutto.

Len. E ve pare cosa da frate , volerce ucontrag-
genio portare a la festa.

Ste. Nuje volimmo, comm'all'anno passato, venire
co vuje; ed isso vo a forza strascenarece co dduje
che veneno ncasa a fare li smocche.

Cre. No ! chesto no ne'entra ! L'appicceca è venuto
pe tutt'auto. Manicotto...

Ste. E no tiranno !

Len. È senza connotta !

Cre. Ma li nepotielle mieje...

Ste. Achille è na vammacia vergine...

Len. Renzo è n'agnolillo...

Cre. Ma l'appicceca non è stata p'ammore ?

Stel. Gnorsi , ammore è la prima causa...

Len. Le nnammorate de li figliule...

Cre. Forse quaccuna de le piccoline ch'apparteneva
prima a Manicotto ?

Ste. Gnernò , Manicotto non fa l'ammore.

Len. Primm'isso voleva. — *Ste.* Ma mo non vo cchiù.

Len. E vuje si volite , potite...

Cre. Chiano , chià , ca mm'avite cchiù incespicata.

Comm'è ca non vole cchiù ? Chi so chiste ?

Ste. Se tratta de le nnamorate de li nepute vuoste...

Cre. Oh ! e comme nc'entra Manicotto ?

Len. E nce trase , gnorsì.

Cre. Ma ste flegliole le ccanoscite ?

Ste. Zi Crè , vuje nce volite bene ?

Len. Zi Crè , vuje nc' amate ?

Cre. Venite ccà , n'avite appaura. Le ccanoscite ?

Ste. (*abbassando gli occhi*). Tutte doje !

Len. Povere zetelle ! *Cre.* E chi so , chi so ?

Ste. Io ... (*abbassando il capo con modestia*)

Cre. (*con meraviglia*). Tu !... E chi è l'auta ?

Cre. (*con meraviglia*). Tu !... E chi è l'auta ?

Len. (*abbassando il capo con verecondia*) Io...

Cre. (*c. s.*)

Ste. e Len. Gnorsì !

Pietà , zi Crezia... Nuje stammo ccà...

Ste. Achillo è bello...

Len. Renzo purzi...

Ste. Cercaje amore...

Len. Cercaje pietà...

Cre. Neh !

Ste. e Len. A vuje nepute erano po...

Cre. Ah ! e l'accettaste pe sto perchè ?

Ste. e Len. Gnorsì ; pe cchesto caduta io so...

Cre. Scornose meje , venite a mme.

Cre. (*abbraccia le due, che le fan baciamani.*)

Pe chille mascole che non farria !

Io songo a lloro cchiù che mammà.

Ste. e Len. Ve renn' amore sta cortesia ,

Mentr'io la mano ve vaso ccà !

Len. Pietà , zi Crezia...

Ste. Co chille frosce ,

A Piedegrotta non volimm' ire.

Cre. Ma chi so chille ?

Piedigr.

Len. Chi lle canoscel?

Ste. So ddoje setiglie.

Cre. Setiglie !.. e chi ?

Len. Uno se chiamma don Decaglione.

Cre. Deucalione !.. E l'auto , neh ?

Ste. Don Polifemio...

Cre. (*con agitata meraviglia salendo la scaletta*)

Uh che marrone !

Ohè Rita! ohè Marta!.. corrite ohè !

SCENA VII.

Rita , Marta e le suddette.

Rit. e Mar. Gnò ? (*sulla scaletta*)

Ste. e Len. (*con meraviglia*). Ched' è chesto!...

Cre. (*a Rita e Mar. a baassa voce*). Inorridite.

Rit. e Mar. Ch'è stato ?

Cre. (*da parte ad esse con ira*) Cose da fa tremmà.

Rit. Ma che ?..

Cre. (*tirandole ad un angolo*) Li vuoste belle marite

No stanno a Foggia...

Rit. e Mar. (*con istopore ed ira*). No !

Cre. Stanno ccà

Rita e Marta fanno atti di sdegno. Cre. si rimane in mezzo con le mani tra i capelli.)

Rit. e Mar. (*Ccà !.. e a la festa veneno*

Pe starse a llibertà!

E nchiuse a nnuje nce teneno

Pe farce nfracetà!)

Zi Crè... zi Crè... ajutateme...

Mme sente ajemmè sveni...

(*Ah sti birbante d'uommene*

Nce vonno fa morì !.)

Ste. e Len. (*Chesto ch' è mo sto fragnere?*

Chelle che vonno llà ?

Ah ! ca mme scappa a chiagnere

De nuje che ne sarrà !..)

Zi Crè... zi Crè... sarvatece...

Ca troppo è lo ppatil..

Ah lo ssapite ! Fratemo

Nce vo fa nghiettechì!

Cre. Venite a me... Soccorrere

Zi Crezia ve saprà...

(Ah! ca lo sdegno scorrere
Ll' uocchie a mme pure fa...)

Sì, nce vo forza e spireto;
Ed io nne tengo, sì:

Co sti chiappine d'uommene
Ntutto s' ha da fini!

Rit. (furibonda) lo mme voglio co ste mmane
La ragione fa valè.

Mar. (o.s.) Si la cosa ccà rummane,
Chi li pò cchiù contenè!

Len. (e s.) Si avrà fraterno sto dritto,
Comme cchiù se po tenè!

Stel. (c.s.) Oh, zi Crè, non sia pe dditto,
La patrona io so de me!

Cre. Zitto mo! zì, zì, sti juoche
Manco ll'aria ha da sapè!

(Ah! sto mmiezo a quatto fuoche...
Empio amor che vuoje da me!)

Rit. (a Crez.) Che penzate?)

Mar. (insistendo) Che decite?

Cre. (Io sto ccà; non dubitate.)

Ste. a Cre. (Che decite?)

Len. a Stel. (Che penzate?)

Cre. Vuje mbararele volite?
Io sto ccà...

Ste. e Len. Ma pe qua via?

Priesto, priesto!..

Cre. (Ajemmè la testa!..)

Fóra, guè, la gelosia,
E lassateve guidà.

Jatevenne mo a la festa, *a Ste. e Len.*

Li nepu e io porto llà.

Rit. e Mar. (Ah, sì la gioja assaggio

Che porta la vennetta!

Via mo, via mo, coraggio!

Chi male fa, l'aspetta.

Io voglio co li strille. Napole revotà,

Sceppanno li capille

A chi me fa penà!)

Ste. e Len. (Ah , sì la gioja io provo
 Che porta la speranza !
 È no piacere nuovo
 Ch' ogne piacere avanza.
 La pena e lo dolore
 Io m' aggio da scontà ;
 E ncompagnia d' ammore
 Mme voglio consolà !)

Cre. (Qua no se jura amore ,
 S' ha da serbà la fede :
 All' ommo tradetore
 Tenè s' ha da fa pede.
 Io sola ebbi costanza
 De no mine fa mbroglià...
 O mia gran zitellanza
 Chi te vò maje lassà !)

Tutte. Chiano , chiano ; zitto , zitto ;
 Sorde , sorde ; priesto , priesto ;
 Nquatto botte , lesto , lesto ;
 Da ste smanie voglio ascì. (*viano*)
Fine dell' atto secondo.

ATTO TERZO.

SCENA I.

Via che mena alla grotta di Pozzuoli. A destra una osteria : di fronte altra osteria con terrazzina praticabile. In fondo prospettiva della grotta. È notte , e splende in cielo la luna.

Dappertutto gruppi di fanciulli , di uomini, e di donne , in varie fogge, seduti, quali dormendo, quali mangiando, quali bevendo. Si odè di lontano ripetere—Portamence, ca sto golio—Poi dalle due osterie escono donne del popolo e della campagna, ed artigiani, tra quali Polifemo , Deucalion, Manicotto, Stel. Lena e Card.; ma Lena e Manicotto ballando con nacchere e tamburrelli la tarantella napolitana. All'apparire di costoro si levangli altri e fan tutti cerchio a quei che ballano.

Coro Viène cchà ; non fa cehlù zeza ;
 Te remolla , Carmenè ;

Vide , vi , si fatta meza ,
 Nè saje dirme lo pecchè.
 Io purzi mme vedo e sento
 Mpilo mpilo ndebolì ;
 Mme so fatto no peliento ,
 Nè la causa io saccio di.
 Da chell' ora ch' a la festa
 Nce ncontrajemo , Carmenè ,
 Tengo mpietto na tempesta ,
 Comme tu ll' aje mpietto a te.
 Quanno sto da te lontano
 Io mme sento ascevolì :
 Tu faje segno co la mano ,
 Ch' a te pure fa accossi.
 Viene mo ; co sta resella
 Tu no mmite vuje da me :
 A ballà la tarantella
 Fatte nnanze , azzecca , azzè.
 No carofano scarlato
 Tengo schiuso , Carmenè ;
 A nisciuno ll' aggio dato
 Pe stiparlo schitto a te.
 Vì lo core che te dice :
 Dì , lo vuoje , o non lo vuò ?
 Si lo cirche , si felice ;
 Io lo coglio , e te lo dò.
 Tu purzi tiene na cosa ,
 Carmenè , che fa pe mme ;
 È na bella e fresca rosa ,
 Che cchiù cara no non c' è !
 Pe no pozo , no momento
 Dalla a mme , sperenne io sto :
 Famme sì , famme contento ,
 Carmenè , dammella mo.
 De sti sciure no mazzetto
 Voglio farne , mena mè :
 Po a ballà no minnetto
 Vienetenne , Carmenè.

(Terminato il ballo , i fanciulli , gli uomini e le
 donne tornano a formarsi in gruppi. Cardillo

si avvicina ad una tavola presso l'osteria a destra seguito dagli artigiani e dalle donne. Deucalione, Polifemo, Manicotto, Stella e Lena muovono verso la grotta).

SCENA II.

Un Oste e i suddetti.

Un Artig. Neh! Monzù Piè?..

Car. Stateve zitto tutte quante vuje: io aggio lassata apposta zi Crezia, e mme so abbiato nnanze; peccchè ccà ha da chiacchiariare chi se ne rentenne.. *Oste. Che commannate?*

Car. Porta ccà due vermicielle, no fritto, e diece palle.

Oste. Che ve volite fare na partetella a la luna?

Car. (dando un urtone all'Oste). Monzù Piè diece palle de Gragnano, ma che non sia vattiato: e fa venire l'ancine e l'ostreche de lo Fusaro.

Una don. Monzù Piè, alliscordate de li cannolicchie.

Car. Non ce penzate, ca de chiste ve ne facc'io no rialo; e songo de primma qualità e majateche. Ll'aggio mo accattate a Santalucia (L'oste entra, e quindi riesce con garzoni e vivande). Assettammoce, belle figliò, e damme ncuollo a le provisioncelle de presutto e fiche (seggono intorno alla tavola, aprono i loro sagottini, e cominciano a mangiare).

SCENA III.

Crezia, Rita, Marta, Achille, Renzo, e i suddetti.

Rit. (a Crez.) Ma se pò ssapere addò stanno?

Mar. (a Crez.) Ncapo che v'avite schiaffato?

Ach. Zi Grè, Stella ll'avivevo da portare co vuje.

Cre. Uh! uh! uh! e che mme volite nfracetare.

V'aggio ditto ch'io sto tiranno na linea, e lassate fare a chi è cchiù saputa, ca avite da vedere cose belle. Attiente mperò a non dicere maje ca site frate e ssore consoprine, ca si no non riesco a fare vollere sta carna.

Ach. (a Ren.) (Sta tiranno na linea?)

Ren. (Vorrà fare la ngegnieressa).

Rit. (a Mar.) (Ched'è sta carne ch'ha da vollere?)

Mar. E che ssaccio zi Crezia che sta covanno?

Car. (*levandosi dalla tavola , e avvicinandosi a Crezia*) Ohè , zi Crè , venite a bere.

Un Artig. Zi Crè, benvenute nzieme co la compagnia.

Coro (*agli altri quattro*) Miei signò, na veppetella.

Ach. e Ren. Tanto obbrecato.

Rit. e Mar. Dinte stammo ancora asciutte.

Cre. (*a Card.*) Va t'assetta tu ; statte zitto , e non romoreggiammo.

Car. Beli figliò , no ve pigliate fastidio ; facimmo l'affare nuoste ; ca cchiù a tarde nce mettimmo nn'allegria quanno se ntonarrà la canzona nova.

Donne. Nuje nce l'avimmo mparata.

Uom. E nuje pure.

Crez. (*ai nipoti*) Venite co mmico (*a Card. a bassa voce*). Arricordate de no dicere a nnisciuno co chi io stongo llà dintò. (*Entrano nell'osteria dirimpetto. Cardillo e gli altri siedono di nuovo. Durante il brindisi, che segue, vedesi sulla terrazzina imbandire una cena, e sedervi intorno Crezia e i nipoti*).

Coro A la marina

De Mergellina

Aonna e cresce

Sempe lo pesce.

E la collina

Spremmie assaje fina

Na veppetella

De Moscarella.

Car. Magnammo , amice mieje , e po vevimmo

Nzi ch'arde lo lucigno a la cannela ;

Pocca st' ora de spasso che tenimmo

Scappa , comme pe mare fa la vela.

Nce simmo mo , vedimmoncenne bene.

Lo ppresente è no sciuscio , e non se vede ;

Lo passato è ppassato , e cchiù no vvene ;

E a lo dimane chi nce mette pede ?

Facimmo mo la prova

De chi sa cchiù nciucià :

E la canzona nova.

Volimmo po cantà.

SCENA IV.

Manicotto, Stella, Lena, Polifemo e Deucalione, e i suddetti.

Man. (a Deu. e Pol.) Oh! nce simmo!

Deu. Aje ragione. Staje no poco stracquolillo.

Deu. Guè, ma doppo averce renforzato lo stommàco, nce aje da fà a vvedere n' auta vota la tarantella?

Man. Non saccio se sorema...

Pol. E che la ragazza se fosse azzoppicata?

Ste. (Aje visto? Aje visto?.) (a Len.)

Deu. Niente. Manco nzino a la scompetura de la grotta, addò simmo arrivato. Aggio perze ll' uocchie pe guardare: nè Achille, nè Renzo!

Ste. Zi Crezia ne' avesse dato no pappasale?

Deu. Belle figliò, vuje parlate sole.

Pol. E votateve a nnujè, state troppo sgrignoselle.

Deu. Penzate ca co vuje veneno uommene che ponno.

Pol. E uommene che ponno quanno pouno, e quanno non ponno.

Man. Addò volite sta sevvite, ncoppa, o abbascio?

Pol. Fratiè, fa tu: Sotto mme piaciarrìa cchiù, ca l' aria è aperta.

Man. E volite ordinare? *Deu.* Manicò, fa tu.

Man. (E chi pavo po?) Ma io po non saccio lo gusto vuosto?

Pol. Venenno co le ssore, ll'avvarrisse avute da capi.

Deu. Volimmo rrobe di nostra convenienza.

Man. Ma...

Pol. Va buono, va... Deucaliò, jammo dinto (*entrano a destra con Manicotto*).

Len. (a Ste.) Fossero jute Foregrotta?

Ste. Camm' è possibele! Mmprimma, zi Crezia non avarria fatto tanto cammino, e po ne' ha ditto ccà.

Len. Oje Stè, io stongo rosècanno no sospetto.

Ste. Ed io pure.

Len. Chelle doje chi erano? che volevano?

Ste. Ed io che ssaccio. Stevano llà, e co confidenza assaje: Achille e Renzo so fegliule...

Len. Zi Crezia volesse manipolare quagmatremmonio?

Ste. Ah! io arraggio de gelosia!

Len. Ed io moro de despietto.

Pol. (*uscendo cogli altri due, e invitando le donne a cena presso la tavola a destra che è già imbandita*) Belle figliò, lassate la palurnia. Venitevenne a onorarci; e primma ch' esce lo pesce, vedite comme stuzzeca l' appetito lo peparuolo co l' aulive, chiapparielle e alice salate.

Man. Vì ca stasera è festa, e volimmo festiare.

Deu. Viva lo fratiello; mo è l' ora de vedercene bene.

(*Nel cominciare la cena s' ode da lontano, e poi più presso una ricercata sopra strumenti da fiato. Al suono si levano tutti coi bicchieri in mano in manifestazione di grande allegrezza*)

Tutti (*meno le quattro donne*).

Siente, siente la museca già ntona
La canzona novella.

Pol. Io l' aggio a mente
De già mparata.

Deu. Io pure.

Coro e Card. E tutte la sapimmo.

Voci dalla loggia. Orzù, dammo la voce...

Tutti Quanno è bennegna ammore abbambe e coce.
E ncopp' a la collina

Ach. Non c' è chi è bella chiù de Catarina.
Lo juorno che vedette a Catarina
Era d'ottobre, e ghieva a vennegnare;
Lucea comm' a la stella matutina
Che ffa l'aucielle e ll'uommene cantare...
Amore è fuoco doce

Ch' allumma, e coce coce;

Ma ntiempo de vennegna

Abbampa e scotta cchiù.

Cucuricù

Chichirichì

Core a core si non se stregna,

Mme faje morì speruto, oje Catari!

Stel. (*agitata, a bassa voce a Lena*) Siente...

Len. (*a Stel.*) Pare isso...

Stel. (*guardando sulla loggia*) E ncompagnia sta llà!..
L' arraggia no mme fa chiù resciatà!

Pol. Tenea mez' accorciata la gonnella ;
Le spalle erano quase a la scoperta ;
E vedeano io na cosa accossì bella ,
Restaje tutto ncantato e a bocca aperta..

Amore è fuoco doce

Ch' allumma , e coce coce ;

Ma ntiempo de vennegna

Abbampa e scotta cchiù

Cucuricù

Chichirichi

Core a core si non se stregna ,

Mme feje morì speruto , oje Catari !

Rit. e Mart. (*levandosi furiosamente , e sporgendo il capo fuori della loggia*) Iloro so !

Ach. e Ren. (*a Rit. e Mar.*) Ma chi maje ?

Stel. e Len. (*avvicinandosi alla loggia , e guardando fissamente su di essa*) Iloro so !

Pol. Deu. e Mar. Ma chi maje ? (*a Stel. e Len.*)

Cre. (*La tempesta assommò !*)

(*Rita , Marta , Achille , Renzo e Crezia scendono a basso , Stella , Lena , Polifemo , Deucalione e Manicotto muorono verso di loro*).

Coro (*Chi so chiste ? che vvonno ? ched'è ?*)

Va nnevina qual è lo pecchè !)

Rit. (*a Pol. con ira*) Tu !..

Pol. (*a Rit. con meraviglia*) Ccà tu !

Mar. (*a Deu. con ira*) Tu !

Deu. (*a Mar. con meraviglia*) Tu !

Stel. (*ad Achil. con ira*) Tu !

Ach. (*a Stel. con meraviglia*) Tu !

Len. (*a Renz. con ira*) Tu !

Ren. (*a Len. con meraviglia*) Tu !

Coro, Man. e Card. Che cos'è... Che vo di sto bu bu ?

Rit. e Mar. (*tirando per l'abito i loro mariti , con amara ironia ed ira repressa*).

Mio signò !.. Chiste ccà so ll'affare

Che da Foggia mme puorte a la casa ?

Guè ! la zella scoperta è rommasa...

Guè ! a ffa ntriche non aje che contà.

Pol. e Deu. (tirando le mogli per le spalle con fiera ironia e sdegno represso).

Mia signò! Cosa bbona te pare

De veni ncompagnia de ll' amice?

Guè! nce pierde ogne scusa che dice...

Guè! song' ommo, e mme faccio stimà.

Stel. e Ten. (tirando pel petto gli amanti con isdegno ed amara ironia).

Neh monzù! Cheste ccà so le pprove

Che pe mme solamente te muore?

Guè! ch'a rramma scopierto è st'ammore...

Guè! a ngannarme non aje che mbroglià.

Ach. e Ren. (spingendo alcun poco innanzi le amanti con fremito d'ira).

Neh maddà! Se so rotte già ll' ove;

E a che sserve che ffaje st'ammenaccia;

Guè! ccà tutte tenimmo una faccia...

Guè! nennille non simmo nuje ccà.

Man. (facendosi largo, e ponendosi in mezzo).

Che cos' è? che rrobb' è? che dicite?

Tauta mpicce chi ntrica? chi tessè?

Vuje tenite le bocche de sguesse,

Che so bbone pe sulo strellà.

Crez. (tirando pel petto Man).

Che fratiello!... che belle marite!

So mazzune ncappate a la pesca!

Bella cosa de sta sempe ntresca!

Vi ch' esèmpio a lo munno se dà!

Tutti Vi che ffa, vi che ffa lo tentillo!

Io mme sento na vena crepà...

Ah non pozzo fa manco no strillo;

Pe la bile tremmano sto ccà.

Card. e Coro (interponendosi).

Ma che d' è, che d' è sto rociello?

Justo mo ve volite sturbà!

Via spassateve, e po bello bello

Ogne ccunto potete agghiusà.

Pol. (a Rit.) Va dieenno còmmè ccà?...

Deu. (a Ren.) Tu da chella che pne vuò?...

Rit. (a Stel.) Tu che vuoje da chillo llà?...

Mar. (a Len.) Tu da chisto che vuoje mo ?...
Ach. (a Pol.) E da chella che vuoje tu ?...
Stel. (a Rit.) E da chillo ch'aje d'avè ?
Ren. (a Deu.) Chella là non guarda cchiù !..
Len. (a Mar.) Chisto ccà che vò da te ?...
Cre. (a Man.) Zzo ch'aje fatto mo lo vvi !
Man. (a Cre.) Ogne cosa va accossì !
Car. e Coro. Ma a che tanto revuoto ?

Sta cosa comm'è asciuta ?
Rit. (con slancio) De fa no terramoto
 Mme so già resoluta !..

So ott'anne che mpotere
 Tengo sto tradetore ,
 E ott'anne de dolore
 Mm' ha fatto rosecà !
Gli altri e Coro Chest'è ch'a lo ddovere
 Nesciuno se vo sta !

(*Tutti* , *ma in modo che le quattro donne si raccolgono ad un angolo ingiuriandosi, e gli uomini si stringono all'altro angolo disfidandosi ; restando in mezzo Crez. e Man. , e il Coro e Card. più dietro. Quindi si le donne che gli uomini si sgruppano, e ciascun uomo va altercando in viso con la donna sua.*)

Rit. e Mar. (prima a Ste. e a Len. , poi a Pol. e a Deu. , infine alle altre donne).

Che spiere , neh , si sbriffia ?

Dì mo , che t'aje sonnato ?

Che te potive attennere

Da n'ommo ch'è nzorato ?

Aspiette che sti zirole

Te tiro mmiezo ccà !

E a tte , golio dell'uommene !

Cride ch'io sia la stessa ?..

Io songo mo na vipera ,

Songo na lionessa...

E a mmorze , a schiaffe , e a ccauce

Te voglio nnabbissà !

Femmene , o vuje ch'all'uommene

Raprite core e ffede ,

Cchiù nera ngratitudine

Decite si se vede ?

Si pizze nn' aje , dà tuortene :

Nganna chi vò ngannà.

*Ste. e Len. (prima a Rita e Mar., poi ad Ach.
e Ren. infine alle altre donne).*

Che ppienze , neh , siè sguinzia ?

Dì a mme , che mmaje pretienne ?

Co chi appartene all' autre

De sfezià tu ntiene !

Vuò proprio che ste vrenzole

Te straccio mmiezo ccà !

E a tte , birbone fauzo ,

Che ffaje chest' ancarella ,

Io songo mo na furia ,

So ffuoco d' ariatell...

E a mmane , e ad ogne , e a fruoffece

Te voglio scortecà !

Femmene , o vuje che all'uommene

Raprite core e ffede ,

Cchiù nera ngratitudine

Decite si se vede ?

Si pizze nn' aje , dà tuortene ;

Nganna chi vò ngannà.

*Pol. e Deu. (prima a Ren. ed Ach., poi a Rit.
e Mar. infine agli altri uomini).*

Che ceride , neh , siè pivozo ?

Qua mo t' afferra tocco ,

Penzave co moglierema

De potè fa lo smocco ?

Te voglio a pponia e a paccare

Li grille fa passà !

E a tte ribelle femmina ,

Che usata aje tal baldanza ,

Voglio mo mo mpararete

Che cosa è la crianza !..

Nchiusa , nzerrata , e teseca

Te voglio fa crepà !

O vuje chiachielle d' uommene

Che nziurtà dormite ,

Tè , tè , che so le ffe mmene
 Mmiezò a sti guaje vedite.
 Pe' ffarle stare all' ordene
 No maglio aje da spezzà.

*Ach. e Ren. (prima a Pol. e Deu. , poi a Stel.
 e Len. , infine agli altri uomini).*

Che ccunte , neh , siè stuppolo ;
 Nne tiene , o no cerviello ?

Credive ch' era facele

Spennarte n' aut' auciello ?

Te voglio sta sciammeria

Ccà mmiezò io mo straccià !

E a tte , ntrammera , cridelo ,

Lo nomme io ccà nce lasso !

Ommo non so ch' a ll' aria

Se po mannare a spasso.

E primma de la rompere ,

Te voglio stravesà !

O vuje chiachielle d' uommene

Che nzi curtà dormite ,

Tè , tè , che so le ffe mmene

Mmiezò a sti guaje vedite.

Pe' ffarle stare all' ordene

No maglio aje da spezzà.

Crez. (prima a Man. , e poi alle donne).

Aje visto , aje visto , o scroccolo ,

Che bella festa aje fatto ?

Dì mo , se non te mmierete

D' esse portato nquatto ?

Ma primma co li sgraffi

Te voglio io mo concià !

E voi donnette misere ,

Zetelle o mmaretate ,

Date a st' iniqui d' uomini ,

Sulla coccetta date !

Le mmene , e non le chiacchiere

Li pponno nnammollà.

Man. (prima a Crez. e poi a tutti).

Che vuò , che vuò ; lo raffio

Mettermme mmano vuoje ?

Ccà chi ti chiamma ntridece ?
 Penza a li fatte tuoje :
 O comm' a no centimmolo
 Te faccio io mo votà !
 Guè ! guè ! Ccà stammo a rennere
 Ragione a chi la cerca ;
 Ccà se pò fare ogn' opera ;
 Se nzagua , foca , e mmerca :
 Venite , ca a servireve
 Ne' è Manicotto ccà.

Tutti col Coro.

(Uh quanto fuoco mmiezo a la festa !
 Tutte parlamme ; nisciuno ntenne..
 Vi , benemio vi che tempesta !
 N'onna già saglie... n'onna già scenne..
 La capo vota — comm' a na rota...
 Ll'uocchie s'appanneno.. Chi è stato, neh!
 Ah sciorta barbara che vuoje da me !)

Fine dell'atto terzo.

ATTO QUARTO

SCENA PRIMA.

Cortile interno con una specie di portico al lato destro e sinistro , formato da travi dritte , piccoli pali traversi e panconcelli , su cui è appoggiato un mezzo tetto. Ai quattro angoli son quattro grandi alberi , che sormontando il tetto , fanno grata ombra sul sito scoperto : di fronte è un grande arco , sotto di cui veggonsi vasi e fornelli per distillazione ; e sull'arco stendesì una terrazzina praticabile con ringhiera dall' esterna parte e dall' interna.

Marta , poi Cardillo.

Mar. (agitata) Benemio !.. mo mo arrivarranno li commitate pe vvedere la parata ; mo mo abbascio se sonarrà , s' abballarrà ... e zi Crezia n' è tornata ancora !

Car. Donna Mà , la prencepale non vene !

Mar. Ah Cardillo mio , comme volimmo fare.

Car. Doppo li fracasse de sta notte, avere sta giornata d'agitazione l.. Mo nce vo, quanno è benuto lo scontro, ognuno poteva dicere chi era, e le ccarte se sarriano scoperte, e mpattata la partita.

Mar. Zi Crezia non ll'ha voluto.

Car. E mo comme penza de sbrogliare sta matassa?

Mar. E io che nne saccio l.. Ma, Cardì, agge pacienza, fa no zumpo.

Car. Io pe vuje mme jettarria purzì addò non c'è ffunno; ma addò aggio da ire?

Mar. Vidé nnante Palazzo; stiennete nzi a la Carità: la trovasse!

Car. Io mme stengo; ma comme facite ccà vuje doje sole?

Mar. Vedimmo a la meglio... Zia, nce scommetto, va trovanono li nepute, che da sta notte, doppo l'appicceca, non se so cchiù viste... Va curre...

Car. Io faccio na corza: a mme preme pure la salute di zi Crezia, e la pace vosta (*esce*).

SCENA II.

Marta, poi Rita.

Mar. E Rita poco o niente se ne cura: vi che coraggio!

Rit. Se! ed io mo tutta mme scippo.

Mar. E comme non pienze nè a mmariteto, nè a mmaritemo?

Rit. So lloro ch' hanno da penzare a nuje. Nce hanñò viste?

Mar. Autro che visto!

Rit. E mo li vvedraje venire ccà. Tienete forte sa! Chello ch' è succiesso sta notte è stato no ncontro. Nuje ll' avimmo da rompere n' auto ppoco co lloro.

Mar. E addò arrivammo po?

Rit. Addò potimmo arrivare. Achilie e Renzo penzarranno sta giornata a sfocare co le nnamorate lo sdegno de la gelosia; ma nfra li commitate ccà non mancarranne altre uommene pe potere dà nuje a li marite cchiù ttuosseco.

Mar. Io so co ttico ; io pure sbollo... Ma si s'avessero da ncojetare seriamente ?

Rit. Tanno po penzammo... Nuje , comme viento scioscia , accossì o araprimmo o ammainammo le bbele ; ma vi , sempe co la grolia nosta.

Mar. Addonca ?..

Rit. Vienetenne dinto , e concertammoce buono.

Mar. Rì , no facimmo cose da pazze !

Rit. Sta vota le fsemene sarranno cchiù savie de ll' uommene (*entrano*).

SCENA III.

Achille, e Renzo.

Ach. Sango de no lionè !

Ren. E addò bonora se so ncaforchiate !

Ach. A la casa non sò ttornate nè lo frato , nè le ssore ; pe la via non ll'avimmo ncontrate...

Ren. Comme, senza de nuje a ghi sta notte a Piedegrotta ?

Ach. Stella e Lena s' avevano da fare accidere primma de dare no passo !

Ren. Io votto fuoco comm'a na carcara...

Ach. Io sto attezzato comm'a na machena a vapore.

Ren. E po, chille catuorchie à scommegliarse marite de le ccucine noste ? Ah ! ca si ll'avesse ntra le mmiane...

Ach. A chi ?

Ren. A qualunque... Stella !.. Lena !.. lo frato... li cainate !..

Ach. Jammo ad affacciarece: vedessemmo quarcuno da la fenesta !

Ren. Io nce voglio perdere la libertà !

Ach. Ed io la libertà e la vita ! (*entrano*)

SCENA IV.

Deucalion e Polifemo.

Deu. Ccà stanno , e non ce ponno fuire !

Pol. E che nne cacciammo ? Simmo state a rose-care centrelle nzino a mo Foregrotta , addò nce pareva che lloro fossero jute ; e mo mazzecammo quacche cosa cchiù penetrante !

Deu. E mane vo nne tenimmo pe romperle le

sguesse?... Nuje nn'avimmo tutta la ragione.
Lloro avevano da nfracetare a la casa!

Pol. Io pure darria lo spirito a li sette viente! Come! venire ccà a nnascuso! Ire a la festa ncompagnia d'autre uommene! farce chella scenata! comme si nuje fossemo chiachielle.

Deu. Nuje, chiachielle!. E ghiammo ad ammaccarle le mmascelle... (*per entrare*).

Pol. Uh, te!.. (*guardando ad un lato*).

Dcu. Che vvedo!

Pol. So lloro nzieme co li cascante!

Deu. Facimmoce da ccà: vedimmo nzi addò sanno arrivare.

Pol. Ah, chi nce dà doje femmene!.. lle vorriammo pagare co para moneta...

Deu. Nce ne veneno tante nuanze quanno non lle volimmo!.. Non nce facimmo vedere: Io ardo comme a na zurfatara!

Pol. Io abbruscio comm'a no mongibello! (*si traggono in disparte dietro un pilastro*).

SCENA V.

Rita, Marta, Achille, Renzo, e detti in disparte.

Rit. (*uscendo ed avendo veduto già Pol. e Deu., con molto accorgimento ad Achille*).

So lloro... Fa la nfenta

De me parlà d'amore...

(*come lei seggono e si adoperano, così faranno Marta, Achille e Renzo*).

Mar. (*con accorgimento*) Se so annascuse... Strenta
Tiene sta mano...

Deu. (*Ajemmè!..*)

Pol. a Deu. Statte, e non fa rommore;
Vedimmo che cos'è.

Ach. (*a Rit. con voce passionata*).

Tu me nce vuò?

Rit. Sicuro!

Ren. (*a Mar.*) E io vengo?

Mar. (*a Ren.*) A lo paese!

SCENA VI.

*Stella , Lena e i suddetti.**Len. (uscendo ed arrestandosi con la sorella presso un pilastro) Ah!**Stel. Benemio !**Rit. e Mar. (ad Ach. e Ren. Te juro.**Ch'avraje de che scialà.**Stel. (a Len. a bassa voce)**Che accise !**Len. (a Ste. a bassa voce.) Vi che mpese !**Pol. e Deu. (a Ste. e Len.) Neh?**Stel. Len. (a Pol. e Deu.) Zi!**Pol. e Deu. Venite ccà.**(Polifemo e Deucalion prendono Stel. e Len. e le fan sedere vicino ad essi nell'angolo opposto dove sono gli altri quattro ; e contraffanno con dispetto ed ironia le parti di quelli , fingendo di non badare ad alcuno.**Pol. (a Stel.) Tu vuoje venì?**Stel. (con affetto) A momento,
E co no grand'ammore.**Deu. (a Len.) E tu?**Len. Pur io...**Rit. Mar. Ach. e Ren. (Che ssento!)**Pol. e Deu. a Ste. e Len.)**E ghiammoncenne alò.**Rit. e Mar. La museca è a duje core.**Ach. e Ren. Nfame cchiù assaje so mol**Rit e Mar. (ad Ach. e Ren.)**Simbè fosse no scoglio,**Mm'aje fatto nteneri...**L'ammore che te voglio**Non te lo ssaccio dì!**Pol. e Deu. (a Stel. e Len.)**Simbè paresse muorto**Me faje tu revenì...**L'ammore che te porto**No, non lo ppuoje capì!**Ach. e Ren. (a Rit. e Mar.)**Parea no nzallanuto*

Primma de te vedè...
 E mo comm'a mpazzuto
 Sbarèò vicino a te !

Stel. e Len. (a Pol. e Deu.)

Steva ncontinuo chianto
 Pria de ncontrare a te :
 Ma mo non c'è chi è tanto
 Felice comm' a me !

Rit. Mar. Ach. e Ren. (fra loro a mezza voce)

Mo se vede chi è cchiù forte
 A tirare sta catena :
 Dàlle , votta, ncasa, mena ;
 Io li vvoglio fa crepà.

Pol. Deu. Stel. e Len. (fra loro a mezza voce)

Mo se vede chi pe sorte
 Ha la poglia de st'abballe :
 Mena, votta, ncasa, dàlle ;
 Io li vvoglio fa schiattà.

*(Tutti si levano di sedere, restando ancora
 stretti ai loro posti)*

Rit. e Mar. (ad Ach. e Ren.)

Nce simmo ntise?

Ach. e Ren. (a Rit. e Mar.) Certo.

Pol. e Deu. (a Stel. e Len.)

Restammo ?

Stel. e Len. (a Pol. e Deu.) A lo conciertò.

*(Nell' incaminarsi s' incontrano tutti in mezzo
 alla sala , e fingono grande sorpresa.)*

Rit. Mar. Ach. e Ren. Uh !

Pol. Deu. Stel. e Len. Oh !

Mar. Ach. Ren. Pol. Deu. Stel. e Len.

Ch'è?.. che ve vene?

Rit. (con disinvoltura esagerata e ridendo)

N'è niente : è un *vis a vis*.

Mar. Ach. Ren. Pol. Deu. Stel. e Len.

Ah! un *vis a vis*?.. Va bene...

Rit. Va bene.

Tutti (con ironia) È un *vis a vis*.

Gli uomini sottovoce

Pol. Neh! che facimmo ?

Deu. Mmosta li diente.
 Pol. Peggio de peggio !
 Deu. Gnorsi ; appujammo.
 Ach. 'Orzù che dice ?
 Ren. Nce remollammo?
 Ach. Io mo che ssaccio!..
 Ren. Stammocc'attiente !

le donne sottovoce.

Mar. Neh ! che facimmo ?
 Rit. Tienete forte.
 Mar. Fosse cchiù guajo?
 Rit. Gnorsi ; cedimmo.
 Stel. Embè che pienze ?
 Len. Nce arreducimmo ?
 Stel. Io mo mme mbroglio..
 Len. Stammoce accorte !

a 4.

Si no la piglia pe la capezza.

Cianfate e cauce la mula dà :

La corda tesa nfine se spezza :

E no gran mommaro nce puoje piglià.

a 4.

Si tire a lluongo troppo la mpizza.

Ncapo li canchere ponno sbotà

Quanno lo vojo se mperra e stizza ,

Nce pierde ogn'opera pe l' addomà.

*(Tutti passeggiano con ridicola disinvoltura
 ostentando lieto umore).*

Pol. a Rit. E così ?

Rit. (a Pol.) E così?

Deu. (a Mar.) Eh! .. io.. tu...

Mar. (a Deu.) Eh!..io..tu..

Ach. (ridendo e tossendo) Ah! uh, uh...

Stel. (facendo lo stesso) Ah!..uh, uh...

Ren. (a Len. ridendo e starnutando) E...e...eccì.

Len. (a Ren. facendo lo stesso) E...e...eccì

Tutti Uh , uh.. uh.. uh.. uh , uh.

Eccì.. eccì.. eccì..

Salute - E a buonecchiù!

Vide la vecchia - Vì!

Pol. (con slancio a Rita)

E leva sta canzonai!

Gli uomini e le donne.

Via, la mpattammo..

Le donne (meno Rit.)

Guerra!

Rit. (inframmettendosi con intenzione.)

Zì, zì, la cosa è bbona;

Non voglio che nce sferra.

Pace! ma chi la vole

Ha da sentì li patte.

Gli uomini Patte, contratte ed atte

Non fare cchiù parole!

Rit.

Grplia a le ddonne!

Le donne

Grolia!

Sbattite mane ccà.

Pol.

Guè, non cantà vittoria

Avinimo da azzettà.

Rit. (con alterigia e solennità.)

Primmo. Sta senza spasso

Le fsemmene non ponno.

Uomini

Azzetto.

Rit.

Pe ssiconno:

Maje s' ha da fa fracasso.

Uom.

Azzetto.

Rit.

Terzo. A picce

Non s' ha da maje pensare.

Quarto. Comme nce pare

Volimmo a crapicce.

Uom.

Ma...

Rit.

Non c'è ma. Nè all'uommene

Maje cunto s' ha da dà.

Uom.

Uh! chesto ccà è mpossibele:

Tu te lo ppuoje scordà!

Rit. (con fiera voce)

Embè: sta pace nterra

Non se po ffa giammaje.

Le donne (a ciascun uomo)

Che sciglie?

Uom.

Guerra!

Tutti

Guerra!

Aggio sofferto assaje!

Un momento di pausa. Tutti si agitano con furore per la sala. Quindi un tocco di musica festiva trae lor menti a nuovi pensieri. Delle donne ciascuna prende a braccia un uomo, e va menandosi in ballo.

Rit. Mar. Ach. e Ren.

E piglia, tè, sto vraccio;
 Damme sta mano ccà.
 Senza niscuno mpaccio
 Volimmo varzià.

Ste. Len. Pol. e Deu.

E teccote ste mmane;
 Damme ste braccia ccà,
 Da mo nzin' a dimane
 Volimmo varzià.

Tutti Ntra tante affanne e pene
 Non se po cchiù tenè...
 Vedimmoncenne bene;
 Sulo sto sfizio nc' è.
 Da miezo, ncoppa e sotto
 Io vengo, e viene a mme.
 E crepa, e chiatta e sbotta
 Chi non lo pò vedè (*entrano ballando*)

SCENA VII.

*Crezia, come attaccata al braccio di Manicotto,
 è Cardillo dall'altro braccio.*

Cre. Trase; damme cunto: nn'aggio trovato uno.

Car. Mo no state cchiù mmiezo a la via; potite parlare.

Man. (*a Crez.*) Se po ssapere tu che pretienne?

Cre. Addò stanno l'amice de la conversazione? Aggio revotato la strada de s. Lucia a Piedogrotta, e sule a tte aggio visto... addò stanno?

Man. E chi ll'ha cchiù vedute! Sfuriano e strellanno se so sperze stanotte. Ah ca si mme fosse ncontrato co li nepute tuoje!

Car. T' avarrisce levato lo cappiello.

Man. Guè, alicesalà! tu pure!

Car. Sel.. che te credisse ch' io non fosse ommo...

Cre. E le ssore toje addò stanno?

Man. Va te le ppesca! Volevano a fforza venire ccà

all' arba pe te cercare cunto de chelle ddoje che portaste co li nepute tuoje.

Cre. E tu non sapive che chill' altre erano nzorate?

Car. Manicotto voleva sapere sulo se chille erano in istato di frosciare.

Man. Vattenne , pevozillo !

Car. E ba ca non è bero !

Man. (*a Cre.*) E le ssore meje nce ll'hanno pure cco ttico , ca tu si stata causa che fossero venute a Piedegrotta e a chella taverna.

Cre. Già ; nce lo dicette io pe na chel eta mia, e lloro acconsentettero.

Man. E ppo a lloro portaste li figliule nzieme co le ffigliole... Chelle chi so ?

Cre. Mo lo ssapraje : e tanno te voglio gonfiare i mascarielli.

Car. Non c' è st' abbesuogno : la visuale de Manicotto è già tutta gonfiata.

Voci di dentro. È nnutele !

Man. Uh ! Crez. So le voce lloro !

Card. Le vvì llà tutte quante ; e pare che se dan no neuollo.

Man. Veneno da ccà.

Cre. (*stringendo Man.*) Non te muovere tu ; statte zitto ; è venuta ll' ora de lo scioglimento. Cardì facimmoce no momento da ccà.

Man. Zì Crè , tu mme fai fare na figura che non ll'aggio fatta maje (*si tirano in disparte*)

SCENA VIII.

Rita , Marta , Stella , Lena , Pol. Deu. , Achille , Renzo , e i suddetti in disparte.

Rit. a Pol. Non ne parlá cchiù. Vattenne a ffa vier no addò truove cchiù ccaudo.

Pol. a Rit. Ed io te rennego pe mogliera !

Mar. a Deu. Ll' uocchie mieje non se ncontraranno maje cchiù co li tuoje.

Deu. a Mar. Io mo vao a Cajazzo, e voglio jettare pe la fenesta tutte le sciarabattarelle toje.

Ste. ad Ach. Sta gonnella mia non farrà cchiù pe lo cazione tujo !

Ach. a Stel. Cchiù priesto se ncontrarranno le mmon-
tagne , che tu te ncontrarraje co mmico !

Len. a Ren. No mme venire maje cchiù pe da nante!

Ren. a Len. Io nnanze a tte ! e cchiù priesto nò
mme jetto dinto a no furno , e mmoro arzo.

Rit. e Mar. Sciù , sciù ! a ghire ncojetanno zetelle!..

Stel. Len. A mmetterse co ffemmene mmaretate!

Le donne. Sciù ! sciù !

Gli uom. Leva... lè !..

Cre. (avanzandosi) Ched'è tanto rommore?

Mettitevenne scuorno!

E chisto no taluorno

Ch'ha da finire mo.

Gli altri meno Man. e Card.

Oje Zì , n' auzà la voce ;

Sto caso è de terrore :

Quanto cchiù sta , cchiù coce ;

Nè sopportà se pò !

Cre. Zitto! ca cchiù pparlate

Nfra vuje , cchiù ve ntricate.

Gli altri (c.s.) Comme vaoje di?..

Cre. Sto gliuommero

Ve voglio io mo sbroglià.

Gli altri (c.s.) Oje Zi , non votà fuoglie...

Oje Zi , tu non ce mbruoglie...

Cre. Eccome ccà , sentiteme

La cosa comme va.

Vuje che decite? *(alle donne)*

Le don. Ca tutte st'uommene

Nc' hanno tradute...

Uom. So ppazze !

Cre. (alle donne) Oibò !

Vuje che credite? *agli uomini.*

Uom. Che cheste ffemmene

Se so mperrute...

Don. So ppazze !

Cre. No !

(volgendosi a Pol. e Deu., e additando le mogli)

Picchè costreguerle sempe uzerrate?

Piedigr.

(volgendosi a Man. additando le sorelle)

Pecchè mpedirele l' amore vuò ?

Uom. Pecchè so ffemmone !

Cre. E mo sbagliate :

Femmene ed uommene eguale so.

Uom. Ma...

Don. Zitto !

Cre. Ancora sapè vorria

Se a chesta casa venì se pò ?

Uom. Gnorsi ; ma...

Don. Zitto !

Cre. Guè ! ncasa mia

Fose da appennere non ce ne so.

Pol. e Deu. Zi Crè, va buono, si so venute:

Ma chille? *(additando Ach. e Ren.)*

Cre. Chille ?

Pol. e Deu. Chille , gnorsi.

Cre. Chille ?

Pol. e Deu. Sì , chiste.

Cre. Mme so nnepute.

Pol. e Deu. Nepute !

Tutti gli altri Certo.

Pol. e Deu. Nepute !

Cre. Sì.

Ste. e Len. *(facendosi avanti con forza ed additando Rita e Mar.)*

E cchelle ?

Cre. Cheste ?

Stel. e Len. *(con forza)* Sì, e so tre vvote!

Chi , chi le ffece co buje venì ?

Cre. No llo ccapiste !.. Mme so nepote.

Stel. e Len. Nepote !

Rit. Mar. Pol. Deu. Ach. e Ren. Certo !

Cre. Nè nc'è che ddi.

Pe ffa na scola mmiezo a sto ntrico

Tutte a la festa ve fece ascì :

Chelle co lloro, cheste co mmico,

E mo la vernia ha da fenì.

*(Un momento di confusione e di trepida gioia :
gli uomini meno Man. cadono in ginocchio)*

presso le donne ; le quali si atteggiavano a tenera bontà).

Pol. e Deu. a Rit. e Mar.

Ah moglie mia , perdono !..

A' piedi tuoi lo spero...

Se fui spietato e fiero ,

Fui n' agnellino ancor.

Ach. e Ren. a Stel. e Len.

Ah ! de cagnà sto tuono

Lo tiempo è già venuto...

Eccome ccà pentuto :

Cara , perdona mo.

Rit. e Mar. a Pol. e Deu.

Susete , guè !.. va buono...

Simmo marite e mmoglie :

Penza a non fa cchiù mbroglie ;

Si no cchiù guaje nce so.

Stel. e Len. ad Ach. e Ren.

Che ssaccio !.. Sto frastuono

Zi Crezia l' ha mmentato...

Sempe aggio a tte penzato ,

E a tte la mano io dò.

Man. e Crez. Zi Crè , sto trainiello

Da vero va n' aniello ;

A tutto io mo conzento ;

Fa chello che tu vuò.

Cre. Mo è ll' ora che contento

Ha da restà lo core ;

E matremonio e ammore

Mpedì cchiù non se pò.

Car. Vi comme va la cosa :

È proprio n' portiento !..

(ad Ach. e Ren.) Ma a vuje tocca na sposa ?

E a mme che tocca po ?

(S' ode una musica di banda militare).

SCENÆ ULTIMA.

Convitati , uomini e donne , e i suddetti.

Coro (accorrendo per salire tutti sulla terrazza).

Guè , guè : la truppa passa ;

Mo è ll' ora ; jamma jà.

Doppo , chi vo , se spassa ,
Pe tutte nce nè stà.

Rit.

Venite ccà ; mparate
Zetelle e mmaretate ,
Comme ogni ssorta d' uommene
Avite da trattà.

Nzino che state a pparo ,
L' omme tenite a ccaro :
Si po vo aizà la sboria.
Datele ncapo , sa !

Sempe che state a zzicco ,
Maje non pigliate cricco :
Si po se lassa , subeto
Lassateve purzi.

Ma io spero , si marite ,
O nnamorate avite ,
Che chiste se speressero
Sempe pe ve servi.

Tutti

E mena mo ! la botta
Portata t' aje gnorsi.

Evviva Piedigrotta !
Evviva vuje purzi !

*(Tutti corrono sopra la terrazza in fondo per
vedere la difilata del. e milizie in istrada.
Cala la tenda).*

F I N E.



